

BI KATU ETA MIKA.



Kayola bat egonik
egaztiz betea,
bi katuk nai zioten
iriki atea;
eta artan zirala
estu ari biyak,
askatzearekin bat
ateko ziriyak,
gertatu zitzaioten
inguruban mika,
eta eraman zien
zeukaten birika.
Ura ikusitzeaz
lapurretan ala,
ayen birikarekin
eskapatzen zala,
presaz saltatu zuten
biyak beragana,
azturikan kaiolan
ari zuten lana;
eta bitarte artan
an ziran egaztik,
kaiolatik irten ta
egaturik guztik,
bi katuk ez egazti
eta ez birika,
gelditu ziran egan

goitituta mika.

.

Kontuko katubaren
moduban gera gu,
iñoren gauza asko
gustatzen baitzaigu;
eta gauza aretaz
egin nairik jabe,
iñoiz gelditzen gera
gerenikan gabe.

ERBI, AMA UMEAK.

Erbi umeak ama
tentatzen zuben maiz,
esanaz, denboraz ni
emendik joango naiz;
nik eztet kabi zulo
onetan nai bizi,
munduba nolakoa
dan nai det ikusi:
bañan amak jakiñik
zer gerta zeikion,
kabitikan mugitzen
utzitzen etzion;
esanaz, arterañon
arentzako mendik,
zirala bizitzeko
gaitzurri¹ chit aundik:
ark esango ziola

(1) peligro.